


白氏文集

十七

和16
658
12





白氏文集卷第四十

翰林制詔四 勅書批答祭文贊詞附

凡六十八首

答元義等請上尊號表

答薛萃賀生擒李錡表

與薛萃詔

與嚴礪詔

與餘慶詔

答黃裳請上尊號表

白氏文集卷第四十



與從史詔

與韓臯詔

與元衡詔

答李扞等謝許上尊號表

答馮伉請上尊號表

答長安萬年兩縣百姓耆壽等謝許上

尊號表

答元素謝上表

答韓臯請上尊號表

答馮伉謝許上尊號表

與顏証詔

與從史詔

與季安詔

與高固詔

祭故贈婕妤孟氏文

季冬薦獻太清宮詞文

與茂昭詔

答百寮謝許追遊集宴表

答李扞謝許遊宴表

答劉濟詔

與柳晟詔

答薛萃謝授浙東觀察使表

上元日歎道文

畫大羅天尊讚文

答朱仕明賀冊尊號及恩赦表

祭咸安公主文

與仕明詔

與崇文詔

祭張敬則文

與希朝詔

與元衡詔

與陸庶詔

答盧虔謝賜男從史德政碑文并移貫

屬京兆表

與宗儒詔

與希朝詔

與韓弘詔

答杜佑謝男師捐除工部郎中表

與嚴礪詔

與韓弘詔

答王鏐陳讓淮南節度使表

答韓弘讓同平章事表

畫大羅天尊讚文

答韓弘再讓平章事表

畫元始天尊讚

北齊驃騎大將軍高敖曹讚

與驃國王雍羗書

與季安詔

答杜兼謝上河南少尹知府事表

代忠亮答吐蕃東道節度使論結都離

等書

與南詔清平官書

答王鏐賀賑恤江淮德音表

與茂昭詔

與潘孟陽詔

答宰相杜佑等賀德音表

答宗正卿李詞等賀德音表

答將軍方元蕩等賀德音表

與迴鶻可汗書

與韋丹詔

與從史詔

答宰相杜佑等賀德音表

與孫濤詔

與李良僅詔

答京兆府二十四縣耆壽謝賑貸表

答元義等請上尊號表

朕自君臨運逢休泰時歲豐稔兇醜殄夷
此皆宗社降靈忠賢宣力顧惟寡德敢受
鴻名卿中發懇誠上尊美號雖屬人望難
貪天功宜悉所懷勿固為請

答薛萃賀生擒李錡表

朕自嗣耿光每多惕厲念必先於除害志

無忘於安人李錡大負國恩自貽天罰師
徒未動於疆場父子俱肆於市朝信上天
之禍淫與率土而同慶省視來表深鑒乃
誠所賀知

與薛萃詔

勅薛萃楊君靖至省所陳謝具悉卿勤王
之節徇公滅私事主之誠移忠資孝苟非
褒贈何以顯揚且清白之風既自家而刑
國則寵旌之澤宜因葉以流根式遵追遠

想宜知悉

與韓臯詔

勅韓臯省所陳賀具悉卿朕自守睿圖每
思寬政慮先禁暴念在措刑李錡負國反
常阻兵干紀未勞師旅已就誅夷卿宜力
納忠秉心嫉惡遠陳慶賀深見懇誠想宜
知悉

與元衡詔

勅元衡卿立身許國竭力匡君人之具瞻

予所嘉賴凋殘是卹遠籍宣風之能利澤
所資暫輟爲霖之用慈和旣敷於兵後惠
信當洽於言前永念忠勤豈忘寤想計卿
行邁已到西川涉遠冒寒固甚勞頓勉加
綏撫以副朕懷想宜知悉。

答李扞等謝許上尊號表

朕自臨萬邦僅經三載位雖託於人上化
未洽於域中永念眇身敢當大號卿等義
深宗室忠盡君親一其情誠三有陳獻迫

之經用表敬忠之訓是爲禮典頌致謝章

與嚴礪詔

勅嚴礪薛光朝至所陳謝具悉卿徇公竭
誠臣節克著揚名濟美子道有光敬忠旣
本於義方追遠宜崇於禮命俾優褒贈爰
慰孝思秩貴冬官以表過庭之訓封榮石
窮用旌徙宅之賢雖亦新恩允符舊典遠
煩陳謝深見懇誠

與餘慶詔

勅餘慶省所謝陳具悉卿累居袞職時謂
盡忠自尹洛師日聞報政臣節旣彰於宣
力子道莫大於揚名俾光孝思爰舉禮命
榮褒冢宰寵賁幽靈式是彝章豈爲私渥
有煩陳謝深見誠懷

答黃裳請上尊號表

朕以薄德嗣守丕圖不敢荒寧以弘理道
幸屬歲時豐稔兇寇梟夷風雨不愆禮圓
丘而報本雷霆未震豐大社而服刑斯皆

十聖降靈幽贊寡昧百辟吁德馴致和平
永惟弘名實懼虛美卿上稽祖訓下酌群
情陳獻表章請加徽號洎于王公卿士降
及耆艾緇黃咸一乃心各三其請朕嘗以
宰元化者曲成於物法天道者從欲於人
雖恤隱泣辜未臻三五之化而樂推欣戴
難違億兆之心德非稱焉讓不獲已勉從
所請深愧于懷

與從史詔

勅從史楊幹至省所奏今月七日到潞城
縣降雪尺餘兼奏耆老等詣闕請欲立碑
并手䟽通和劉濟本末事宜者具悉卿分
朕之憂求人瘼時降大雪豐年表祥豈
惟澤及土田將使物無疵厲休慶斯在慰
望良深耆老等遠詣闕庭請立碑紀尋已
允許當體誠懷以旌政能無至陳讓知卿
協比其鄰翼戴爲意陳此手䟽發於血誠
忠懇彌彰嘉歎不已永言臣節何日忘之

以人望厭于天心遂抑所懷勉從其請固
辭而事非獲已撫德而何以堪之再省謝
章彌增惕厲

答馮伉請上尊號表

朕統承大寶時屬小康伐謀而吳蜀克清
示信而華夷有截斯皆宗社垂祐天地降
和非予冲人所能馴致卿上稽十聖之訓
下酌萬人之心以爲不讓強名未傷於體
道屈已徇物何爽於至公遂抑素懷俯從

衆望雖鴻名未稱每勞踏地之心而人欲
下從即爽法天之德勉依勤請良用愧懷
答長安萬年兩縣百姓耆壽等謝許

上尊號表

朕每念邕熙慙未及於億兆永言徽號讓
已至于再三而文武具寮緇黃庶老懇陳
誠欵明引訓謨開予以天地無私之心起
予以聖宗不易之訓以大道者無求於物
物尊而不辭至公者非欲其名名立而不

讓迫於固然之理不得已而許之卿等誠
至感通義深欣戴再煩陳謝益用愧懷

答元素謝上表

卿用兼文武識合變通輟綱領於中朝授
麾幢於外閫吏能足以惠物將略足以董
戎人望所歸予心是賴知卿已到本鎮當
慰疲人深藉撫綏之方以安凋弊之俗日
期報政歲望成功勉勤所圖用副朕意

答韓臯請上尊號表

銷沴致和幸逢昌運加名建號豈稱眇身
而文武具寮黎獻庶老引古今之明訓陳
億兆之懇誠謂德有所歸謳謌不可以苟
讓謂功有所獻徽號不可以固辭遂抑中
懷俯從衆望庶增修乎茂實冀克副於鴻
名卿發誠自中歸美于上勉依所請彌愧
于心

答馮伉謝許上尊號表

朕以眇身嗣于丕業心雖勞於惕厲化未
及於邕熙永惟強名實懼虛美上自一二
元老下及億兆黎人大洽詢謀明徵典訓
增予以巍巍之號感予以顒顒之誠既迫
所懷俯從其請卿義深奉上志切戴君再
省謝陳彌增愧惕

與顏証詔

勅顏証戴岌至省所賀及謝王國清充五
嶺監軍具悉卿職在撫綏任兼備禦公勤
夙著聞望日彰言念于懷豈忘寤寐乾象

昭感壽星垂文與時相膺有道則見顧慙
菲德何以當之卿戎旅事殷宜有監領蓋
爲常例煩至謝陳想宜知悉

與從史詔

勅從史省所陳謝追贈亡母并舉薦韋悅
具悉卿推誠奉國積慶承家旣彰盡節之
忠宜洽流根之澤雖祿難逮養已闕靈於
九原而孝在顯親宜旌賢於三徙俾崇封
贈以極哀榮韋悅旣有才能又所諳委卿
即發遣令赴闕庭卿之忠誠朕所識察豈
待陳露然後知之載覽來章益嘉懇切想
宜知悉

與季安詔

勅季安省所陳請具悉卿朕纂承鴻業司
牧蒼生僅致小康未臻大化實慙薄德未
稱崇名而華夷兆人內外群后屢有勤請
難於固違卿遠獻表章明徵典訓納忠於
上歸美於君勉從懇誠良用愧惕儲貳者

上繼宗祖下貞邦家心豈暫忘事或未暇尚阻來請當體所懷。

與高固詔

勅高固卿奉國戴君必竭忠節統戎護塞克著勲勞自領藩垣委之心膂忠愨之志久而益彰欽歎在懷何嘗暫忘以卿一從軍旅多在邊陲歲月積深勤勞滋久所宜出入中外周旋寵光今授卿檢校尚書右僕射御史大夫兼右羽林軍統軍以端揆之崇兼環衛之帥遂卿望闕之戀表朕念功之心仍賜卿官告卿宜即赴闕庭想宜知悉

祭故贈婕妤孟氏文

維元和二年歲次丁亥十二月甲寅朔十九日壬申皇帝遣某官某以庶羞之奠致祭于故婕妤之靈自惟爾和順積中柔明奉上動靜合肅邕之體進退得婉孌之儀選自良家備茲內職修令顏以顏德蘭幽

有香守明節而保身玉潔無玷方資懿範
以茂嘉猷彼美有聞于何不淑遽茲淪逝
深用惻傷既卜日辰爰申奠醑以爾有班
氏之明智故贈以婕妤以爾有宓妃之淑
容故葬於洛浦魂兮不昧歆此誠懷尚饗

季冬薦獻太清宮詞文

維元和二年歲次丁亥十二月甲寅朔二
十六日己卯嗣皇帝臣稽首大聖祖高上
大道金闕玄元天皇大帝伏以今年司天

洛浦原在長安界

臺奏正月三日祀上帝于南郊佳氣充塞
四方溫潤祥風微起廬州申連理李樹一
株彰義軍節度使進白鳥一鄭滑觀察使
奏瑞麥五科司天臺奏六月五日夜鎮星
見河陽節度使進白雀一荆南節度使申
連理樹一本山南西道觀察使申嘉瓜一
枚司天臺奏

進作奏

進作申

李

六月十三日夜老人見兕河南府申芝草
兩莖司天臺奏冬至日佳氣充塞瑞雪祁

祁作祥

寒者臣嗣承丕圖肅恭寅畏祖宗垂慶嘉
瑞荐臻虔奉禎祥伏深祗惕今時惟玄律
節及季冬仰薦明誠敬率恒典謹遣攝太
尉司徒平章事杜佑薦獻以聞謹詞

與茂昭詔

勅茂昭盧校至省所奏請上尊號及建儲
闡賀誅李錡并進馬者具悉卿朕以寡德
祇嗣丕圖雖致小康豈稱天號迫於人望
遂抑予懷永惟強名實愧虛受儲貳者上

繼宗祖下貞邦家心非斲忘事或未暇尚
阻來請宜體所懷李錡包藏亂心奮發兇
德不勞征討自就誅夷想卿忠誠倍以為
慰所進馬馴良可尚服御且閑取其戀主
之心足表為臣之節再三省覽嘉歎久之
想當知悉

答百寮謝許追遊集宴表

在昔哲王居于人上推其憂樂與眾共之
須屬三兇荐興二載連獲凡百有位咸一

覽下
當正宜

須作項

其心誠念嘉謀共致昭泰今四表無事三
農有年思與群情同其具慶是宜削苛察
之前弊煦寬裕之新恩仁及下而啓迪歡
心澤先春而導迎和氣昨逢多故主憂且
使臣勞今致小康上安則宜下樂庶欲解
人之愠粗伸推已之恩豈曰殊私煩於陳
謝

答李扞謝許遊宴表

朕自御萬方僅經三載運逢休泰俗漸和

平當朝野無虞之時見君臣相遇之樂是
故去滋彰之化弘優貸之恩近自宗親下
及士庶賜其宴行遂以優遊蓋以已之所
安思與人之共樂雖夕惕而若厲每戒志
於無荒賜春遊以發生宜助時而有慶卿
等榮崇宗寺恩重本枝省所謝陳彌嘉誠
懇

答劉濟詔

勅劉濟省所奏茂昭送卿管内百姓殷進

宜作以

思正誠

化正政

行正街

而作之

答李與

能等七人。奏前後事由。具悉。卿爲國大臣。與君同體。寬而得衆。忠以忘身。每徇公而滅私。能虛懷以容物。與茂昭疆場之事。小有違言。曲直是非。朕已明辯。卿外崇藩翰。內贊謨猷。念屈已以爲心。或難容忍。思戴君而是力。宜務叶和勉。卿寬裕之懷。助朕含弘之化。想宜知悉。

與柳晟詔

勅柳晟。卜英琦至。省所奏慶雲并進圖者。

具悉。昌運將開。祥符先見。發自和氣。聚爲卿雲。捧日而五色相宣。垂天而萬物咸覩。斯爲嘉瑞。宜契升平。朕方致小康。未臻大化。受茲玄貺。祇惕良深。卿以誠事君。推美奉上。獻輪困於圖畫。陳懇款於表章。披閱再三。彌增嘉歎。

答薛萃謝授浙東觀察使表

卿久踐吏途。累聞能政。及居藩鎮。尤見忠勤。訓導而群黎向方。廉察而列郡承式。實

嘉乃績每簡予心宜遷雄劇之藩以廣循
良之化勉於爲理副朕所懷所謝知

上元日歎道文

道本無象功成強名生一氣之先爲萬物
之母吹煦寒暑陰陽節而歲功成輔相乾
坤上下交而生物遂故能阜蕃動植啓迪
邕熙邦家保安夷夏咸若今以時殷獻歲
節及上元女道士某等奉爲皇帝焚香行
道敬修功德伏願聲聞紫極丕降玄休大
庇群生永康四海流光垂慶億萬斯年

畫大羅天尊讚文

道用無窮統之者大聖神化不測感之者
至誠非圖像無以示儀形非供養無以展
嚴敬故一念一禮而福隨之畫大羅天尊
者奉爲順宗至德大聖大安孝皇帝忌辰
之所造也皇帝祖玄元之風嗣清淨之理
志在善繼心惟孝思申命工人彰施繪事
粹容儼若真相炳焉憑志誠而上通垂景

福而下濟詞臣奉詔恭為讚云

真通之象 孝感之心 率土瞻仰

在天照臨 蓄為精誠 發為圖畫

如從大羅 應念而下

答朱仕明賀冊尊號及恩赦表

朕以寡德嗣承睿圖俯從眾誠勉受鴻稱慶之大者豈在予一人推而廣之宜及示萬姓爰因受冊之禮遂施作解之恩俾與群生同斯大慶卿盡忠訓旅推美奉君省

示作示

茲賀陳深見誠至

祭咸安公主文

維元和三年歲次戊子三月癸未某日皇帝遣某官某以庶羞之奠致祭于故咸安大長公主觀濬毗伽可敦之靈曰惟姑柔明立性溫惠保身靜修德容動中規度組紉之訓既習於公宮湯沐之卦遂開於國邑及禮從出降義重和親承渥澤於三朝播芳猷於九姓遠修好信既申協比之姻

乙

卦作卦

由作由

殊俗保和實賴肅雍之德方憑福履以茂
輝榮宜降永年遽歸長夜悲深訃告寵極
哀榮爰命使臣往申奠禮故鄉不返烏孫
之曲空傳歸路雖遙青塚之魂可復遠陳
薄酌庶鑑悲懷嗚呼尚饗

與仕明詔

卿久鎮邊防初膺閫寄式旌勤効俾洽恩
榮褒德念功故進封以示寵忠誠亮節宜
因實而錫名既表新恩亦惟舊典今改封

勅仕明

卿丹陽郡王仍改名忠亮勉勤乃事以副
所懷想宜知悉

與崇文詔

勅崇文段良玘至省所謝亡妻邑號具悉
卿有濟時之勲寵居袞職士政承積善之
慶列在王官俾洽恩光故加褒贈念梧桐
之早落不及夫榮追采蘋之遺芳宜從子
貴式崇寵命以賁幽靈省茲謝章良用嘉
歎

祭張敬則文

維元和三年歲次戊子七月辛巳朔二十
七日丁未皇帝遣某官某以清酌之真致
祭于故鳳翔節度使贈某官張敬則之靈
惟爾挺武毅之質負將帥之才名以忠聞
位由勤致自膺閫職益茂勲猷惠葦疲氓
威吞黠虜一方膏雨千里長城繼博望之
功勞能恢代業傳子房之籌略不墜家聲
方誓山河遽捐館舍逝川無捨遠日有時
徽績空存書旗常而播美音容不見聽鼙
鼓而增思永念忠勤彌深軫悼往陳遣奠
庶鑒悲懷嗚呼尚饗

與希朝詔

勅希朝劉忠謹至省所奏沙陀突厥共一
千八百七十人并駝馬器械歸投事宜具
悉卿以將帥之才鎮華夷之要憂勞爲國
忠勇忘家聲動寇戎塵清封略突厥等嚮
風輸款率屬來賓雖慕我懷柔遠無不至

亦因卿威惠導之使來念其歸投宜有優賜今賜衣服及匹段等自首領已下卿宜等第給付其部落家口等遠經跋涉宜稍安存以勸歸心用副注意

與元衡詔

勅元衡省所奏當管南界外生蠻東凌六部落大鬼主苴舂等以所管子第百姓等二千餘戶請內屬黎州并奏南路蕃界消息者具悉卿以文武之才兼將相之任仁

和下布黎庶獲安威惠旁流蠻夷率附勲勤斯著倚賴彌深欽矚之懷豈忘寤寐生蠻部落苴舂等久阻聲教遠此歸投願屬黎州請通縣道勉於撫慰以勸將來所奏蕃界事宜具已知委戎虜雖聞喪敗封疆不可無虞亦宜隄防用副憂矚

與陸庶詔

勅陸庶省所奏當管新開福建陸路四百餘里者具悉卿望重周行寄分越徼嘉聞

素著茂政累彰況勤可使人智能創物廢
驚波之路開砥石之途捨舊謀新以夷易
險財力不費商旅斯通惠既及人動非擾
下績用可尚欽歎良深

答盧虔謝賜男從史德政碑文并移
貫屬京兆表

卿男從史爲國重臣自領大藩厥有成績
公忠茂著政理殊尤勒石所以表勲賜文
所以褒德惟功是念有善必旌是國舊章

非予私渥昨又請移鄉貫願隸京邑家聲
益振臣節逾彰雖清望標門崇冠山東之
族而丹心戀闕恥爲關外之人載省懇誠
彌深嘉歎所謝知

與宗儒詔

勅宗儒卿邦家楨幹班列羽儀嘗作股肱
弼諧無怠及司管籥鎮靜有方欽重之懷
寢興不捨春官之長非賢不居旣簡朕心
亦符人望今授卿禮部尚書并賜官告往

餘東都留守卿宜便與交割即赴上都想
宜知悉

與希朝詔

勅希朝省所奏党項歸投事具悉卿邊隅
寄重閩外事繁威行而軍聲外揚信及而
戎心內附動皆展効進必盡忠勞績彌彰
倚望尤切党項拓拔忠敬等頃雖為盜今
已經恩懼而歸投情可容恕許其後効以
補前非卿宜安存無使疑懼其磨梅部落

等尚能繼至亦許自新宜加招諭令知朕
意

與韓弘詔

勅韓弘任光輔至省所陳請具悉卿文武
全略邦家重臣自居大藩厥有成績輯寧
百姓嚴整三軍使予無憂惟爾之力省茲
章奏懇願朝宗誠嘉深衷難遂勤請朕以
梁宋之地水陸要衝運路咽喉王室藩屏
人疲易散非卿之惠不能安師衆難和非

卿之威不能戢今衆方悅附人又知歸鎮
撫之間事難暫輟雖戀深雙闕積十年而
頗勞然倚爲長城捨一日而不可勉卿忠
力布朕腹心宜體所懷即斷來表

答杜佑謝男師損除工部郎中表

卿道贊謨猷功成輔弼師損克承訓義雅
有令名豈惟賞延兼以能選班行久次頗
積公勤郎署稍遷未爲渥澤省茲章奏深
見懇誠所謝知

奏作表

與嚴礪詔

勅嚴礪省所奏進蒼角鷹六聯具悉卿任
重列藩寄兼外間事皆奉上勅必竭誠時
屬勁秋致茲鷙鳥調習成性進獻及時取
其效用之能足表盡忠之節

與韓弘詔

勅韓弘卿苦心奉國極慮撫人惠彼一方
于茲十載歷展勤王之効累陳戀闕之誠
才以任彰節因事著不加殊寵何表成功

每三者閱
嘉歎良
有之

奏无之

夫外擁旌旄爪牙之重任內參台衮股肱之寄深以爾一心授茲二柄永言倚賴當副誠懷今除卿同中書門下平章事依前宣武軍節度等使餘並如故并賜官告往想宜知悉

答王鏐陳讓淮南節度使表

卿自領大藩累彰殊効惠安百姓表正一方雖戀闕誠深然殿邦寄切既執圭而肆覲宜返旆而勞旋况淮海要衝旌旄重任

衛街

重任作
任重

永言共理已有成功方注意於撫綏何瀝誠而陳讓難免來請宜體所懷

答韓弘讓同平章事表

致理之道審官為先以卿有文武之才故授卿以將相之任所冀外為藩翰張爪牙之威內贊謨猷宜股肱之力僉諧允屬眾望攸歸方注意於安危何執謙而陳讓所進官告今却賜卿無或再辭即斷來表

畫大羅天尊讚文

唐元和己丑歲四月十四日晝大羅天尊
一軀成奉為睿聖文武皇帝降誕之辰所
造惟歲之春惟月之望誕千年一聖之始
降百祥萬壽之初電繞樞而夜明雷出震
而時泰皇帝孝敬寅畏憂勤勞謙以謂無
疆之休雖肇自於元聖莫大之慶思廣被
於群生爰命國工俾陳繪事真相儼若玄
風穆如疑從大羅感聖而降至誠上通於
一德景福旁濟於萬靈休命耿光自茲無

祥下福

自作啓

國作圖

極詞臣承詔恭為讚曰

大羅天兮高不測 浩無倪兮杳無極
中有聖兮無上尊 惟玄德兮可升聞
圖相好兮仰高真 誠上感兮福下臻
俾百祥兮與萬壽 配聖日兮而長新

答韓弘再讓平章事表

將相兼委實難其人非其德不可謬承當
其才不在懇讓朕非虛授卿勿固辭宜斷
來章即奉成命已具前詔當體朕懷

曰作云

曰

畫元始天尊讚 并序

元者諸天之先始者萬靈之母混而成一
強以為名至哉無上尊得以是為號正月
二十有三日德宗神武孝文皇帝上九仙
之月遇八音之日也皇帝教弘玄訓業奉
真宗承文祖之貽謀申孝孫之誠敬以謂
元始天尊者真儀不遠隨相而生神用無
方應念而至故命設繪素展儀形五彩彰
施七寶嚴飾所以表當宁之瞻仰感在天

用作

之聖神通玄應於希夷集靈祐於彤鬢詞
臣承命跪唱讚云

玄聖何在天上天 欲往從之宵無緣
命工設色五彩宣 忽如真相現於前
聖應聖兮玄又玄 薦百福兮垂萬年
北齊驃騎大將軍高敖曹讚 并序

奉勅撰

高昂字敖曹渤海菑人也姿體甚異膽力
過人累經戰伐皆著功績官至驃騎大將

軍儀同三司冀州刺史其勇敢忠壯冠于一時時稱爲名將後竟以攻戰死於王事年四十八贈太尉謚曰忠武贊曰

教曹之容好配子羽生揚勲烈

死謚忠武武不顧身忠不忘主

誠哉選士無以貌取

與驃國王雍羗書

勅驃國王雍羗卿性弘毅勇代濟貞良訓撫師徒鎮寧邦部欽承王化思奉朝章得

睦隣之善謀秉事大之明義又令愛子遠副闡庭萬里納忠一心稟命誠信彌著嘉想益深今授卿檢校太常卿并卿男舒難陀那及元佐摩訶思那等二人亦各授官告往至宜領之此所以表卿勲勤申朕恩禮敬受新命永爲外臣勉弘今圖以副遐矚今有少信物具如別錄想宜知悉也冬寒卿比平安官吏百姓等並存問之遣書指不多及

與季安詔

勅季安劉清潭至省所奏貝州宗城縣百姓劉弘爲母病割股充祭事宜具悉卿任重弼諧寄深鎮守勤撫綏之政贊變理之功至使部人忘身展孝雖因心有感誠化我之時風而率下可知足表卿之理行省茲陳奏欽歎良深

答杜兼謝上河南少尹知府事表

三川封畿實重其任貳職綱紀亦難其人

卿素懷器能累著聲績亞理以明慎選專領以展長才知己下車當親綏撫佇聞報政用副憂勤所謝知

代忠亮答吐蕃東道節度使論結都離等書奉勅撰

大唐山四鎮北庭行軍涇原等州節度使檢校工部尚書兼御史大夫丹陽郡王朱忠亮致書大藩東道節度使論公都監軍使論公麾下專使辱問悚慰良深國家與吐

蕃代爲舅甥日修鄰好雖曰兩國有同一
家至於封疆尤貴和叶忽枉來問稍乖素
誠雖有過言敢以衷告來書云頻見燒草
何使如然者至如時警邊防歲焚宿草蓋
是每年常事何忽今日形言況牛馬因風
猶出疆以相及草木延火縱近境而何傷
遽懷異端未敢聞命又云去年忽生異見
近界築城者且國雖通好軍不撤警近邊
修緝彼此尋常况城是漢城地非蕃地豈

乖通理何致深疑靜言思之誰生異見須
會報牒彼已息詞今又再言寧無慙德又
云皇天無親有德即輔者皇帝君臨萬方
迨及四載道光日月德動乾坤南北東西
化無不及若非皇天輔德明神福仁北虜
何爲歸明南蠻何爲慕化風雨何因大順
歲時何因屢豐則神助天親可明驗矣彼
若無故生疑無端結怨但思小利不務遠
圖則咎孽之生恐不在此永言取笑却請

須作頃

及至今

則

明生心

此

三思又云漢之臣下頗有叛逆者近以吳蜀小寇暫肆猖狂未及討除尋以殄滅皇威不露妖沴自清豈假彼蕃遠思傍助忠亮謬蒙恩渥叨在藩垣恭守邊隅幸鄰封壤縱未能爲漢名將亦不可謂秦無人輒獻直言以祛深感願推誠信同保始終各勉令圖以求多福歲暮嚴寒惟所履安勝遠垂惠貺愧佩殊深今因押衙迴亦有少答信具如別紙恕輕勸也不具忠亮敬白

祛作祛

勸下勸

與南詔清平官書

勅南詔清平官段諾突李附覽爨何棟尹輔首段谷普李昇傍鄭蠻利等段史倚至知異牟尋喪逝朕以義重君臣情深軫悼卿等哀慕所切當何可任又知閣勸繼業撫人輸誠奉教蒸黎咸又封部獲安皆是卿等同竭忠謀佐成休績永言及此嘉慰良深勉終令圖以副遐矚今遣諫議大夫兼御史中丞段平仲持節冊命閣勸想當

何作何

各各

想

悉之卿等各有所信物具如別錄至宜領也春寒卿等各得平安好遣書指不多及

答王鏐賀賑恤江淮德音表

水旱流行江淮艱食朕明申詔旨親遣使臣蠲其逋租賑以公廩爰興利物之利用表憂人之憂庶俾疲氓均霑惠澤卿克勤乃職共理爲心省茲賀陳深見誠意

與茂昭詔

勅茂昭盧校至省所陳奏具悉卿翼戴君

親出入將相又專戎閫累覲王庭忠勞必竭其智謀誠懇每形於章表近者志在憂國慮及安邊請率精兵親防黠虜朕以卿當管軍鎮奇重事殷實藉撫綏用安封部雖未允所請而深嘉乃誠今又密奏恒州具申事體曲盡忠勤之節備知丹赤之心言念再三發於嗟歎眷重之至併在予懷想宜知悉

與藩孟陽詔

勅孟陽卿夙懷才略早振聲猷歷踐班行
累彰績効自守關輔克舉藩條惠及蒸黎
威行軍鎮求言所任未展其能朕以東川
蜀門重鎮弊承軍後雄歷險中思得忠勤
之臣撫此凋殘之俗量才注意無以易卿
今授卿劍南東川節度觀察等使并賜官
告往想宜知悉

答宰相杜佑等賀德音表

古先聖王託于人上與百姓同其欲與天
下共其憂唯推是心可底于道朕臨御萬
國迨茲五年惕厲之懷雖勤於夙夜愆伏
之候猶害於歲時思革弊以故災在濟人
而損已是用欽刑緩死已責卹貧罷郡國
之貢珍省宮廐之煩費延春令而布仁行
惠先南風而解愠阜財庶憑歡心以召和
氣卿等或匪躬獻替或悉力弼諧啓沃之
間已申霖雨之用變理之際佇見陰陽之
和各宜勉之以輔予理所冀知

答宗正卿李詞等賀德音表

朕統承鴻緒子育蒼生累歲有秋今春不
雨在陰陽之數雖有盈虛爲父子之心敢
忘惻隱俾除人弊以盭歲災卿等任重宗
卿恩連屬籍省茲陳賀深見忠誠

答將軍方元蕩等賀德音表

朕以時陽舛候春澤愆期思備旱之方無
如貶省務動天之德莫若精誠是以修己
卹人去煩節用冀答天戒以致時和卿志
竭邦家職修軍衛省茲章表深用嘉之所
賀知

與迴鶻可汗書

皇帝敬問迴鶻可汗夏熱想比佳適可汗
有雄武之姿英果之略統制諸部君長一
方纂承前修繼守舊好故得邑落蕃盛士
馬精強連挫西戎永藩中夏况嚮風之義
每覲於朝聘事大之敬常見於表章動皆
由衷言必合禮朕所以深嘉忠款遐想風

規至於寢興不忘歎矚勉弘令德用副誠
懷達覽將軍等至省表其馬數共六千五
百匹據所到印納馬都二萬匹都計馬價
絹五十萬匹緣近歲已來或有水旱軍國
之用不免闕供今數內且方圓支二十五
萬匹分付達覽將軍便令歸國仍遣中使
送至界首雖都數未得盡足然來使且免
稽留貴副所須當悉此意頃者所約馬數
蓋欲事可久長何者付絹少則彼意不充

納馬多則此力致歎馬數漸廣則欠價漸
多以斯商量宜有定約彼此爲便理甚昭
然况與可汗禮在往來義存終始親隣既
通於累代恩好益厚於往時所以萬里推
誠期於一言見信遠思明智固體朕心其
東都太原置寺此令人勾當事緣功德理
合精嚴又有彼國師僧不必更勞人檢校
其見撚拓勿施鄔達等今並放歸所令帝
德將軍安慶雲供養師僧請住外宅又令

骨都祿將軍充檢校功德使其安立請隨
般次放歸本國者並依來奏想宜知悉今
賜少物具如別錄內外宰相及判官摩尼
師等並各有賜物至宜准數分付內外宰
相官吏師僧等並存問之遣書指不多及

與韋丹詔

勅韋丹竇從直至省所陳賀并奏江饒等
四州旱損其所欠供軍留州錢米等並已
放免又奏權減俸及修造陂堰并勸課種

蒔粟麥等事宜具悉朕頃緣時旱慮害農
功雖推咎已之心敢望動天之德而未逾
浹日膏澤霑然仰荷玄休俯增祇惕卿喜
深稱慶忠切分憂既覽賀陳兼詳奏請至
如蠲逋以卹人隱減俸以濟軍須抑末業
而移風務茲菽麥防旱年而歉雨修利陂
塘皆合其宜並依所奏非卿公勤奉上仁
惻發中則共理之心不能至此再三興歎
一二難申勉於始終以副朕意想宜知悉

與從史詔

勅從史史澣至省所陳謝具悉卿亡父早
踐班榮久著聲績永言褒贈自叶典常况
卿孝友承家勤勞事國念茲忠節皆稟義
方將慰匪莪之心宜流自葉之澤豈爲殊
渥頻至謝章

答宰相杜佑等賀德音表

朕以春候發生歲功資始順陽和而布政
賑貧乏而勸農載念罪人因除弊事隨其
所利施以爲恩富庶之端實漸於此卿等
義敦宗戚誠竭君親省茲賀陳用增嘉歎

與孫濤詔

勅孫濤劉德惠至省所進隴右地圖兼進
戰車陣圖車樣及奏陳收復河湟事宜者
具悉卿尹茲右輔固乃西疆創制戎車繕
修軍實思收故地誓立殊勲載覽陣圖兼
詳所奏誠得開邊之略益加報國之心斯
謂盡忠彌增注意眷言所至無忘于懷

與李良僅詔

勅李良僅卿又在軍門習知邊事居常恭
恪動必忠勤眷乃才良可分憂寄今授卿
延州刺史兼安塞軍使并賜官告往延州
既兼軍鎮且雜蕃戎防遏撫綏兩須得所
宜勉所任用副朕懷

答京兆府二十四縣耆壽謝賑貸表
朕勤求人隱慎卹農功念播植之時必資
首種慮懸磬之日多乏見糧將便公私宜
從歛散卿等名登庶老業守先疇各勉農
人以副朕意所謝知

白氏文集卷第四十

白氏文集卷第四十一

奏狀一 凡十首

初授拾遺獻書

論制科人狀

論于頔裴均狀

論和糴狀

論太原事狀

奏請加德音中節目

論于頔進歌人狀

論魏徵舊宅狀

論王鏐欲除官事宜

論裴均進奉銀器狀

初授拾遺獻書

元和三年五月八日進

五月八日翰林學士將仕郎守左拾遺臣白居易頓首頓首謹昧死奉書于旒扆之下臣伏奉前月二十八日恩制除授臣左拾遺前充翰林學士者臣與崔君同狀陳謝但言忝冒未吐衷誠今者再黷宸嚴伏

獻百之

依百之
已百之
君作君

惟重賜詳覽臣按六典左右拾遺掌供奉

謹百之

諷諫凡發令舉事有不便於時不合於道

者小則上封大則庭諍其選甚重其秩甚

卑所以然者抑有由也大凡入之情位高

則惜其位身貴則愛其身惜位則偷合而

不言愛身則苟容而不諫此必然之理也

故拾遺之置所以卑其秩者使位未足惜

身未足愛也所以重其選者使上不忍負

息下不忍負心也夫位未足惜恩不忍負

大夫夫

然後能有闕必規有違必諫朝廷得失無不察天下利病無不言此國朝置拾遺之本意也由是而言豈小臣愚劣闇懦所宜居之哉况臣本鄉里豎儒府縣走吏委心泥滓絕望烟霄豈意聖慈擢居近職每宴飲無不先及每慶賜無不先霑中既之馬代其勞內厨之膳給其食朝慙夕惕已逾半年塵曠漸深憂愧彌劇未伸微効又擢清班臣所以授官已來僅將十日食不知

里作校

伸作申
作由

將作經

味寢不遑安唯思粉身以答殊寵但未獲粉身之所耳今陛下肇建皇極初受鴻名夙夜憂勤以求致理每施一政舉一事無不合於道便於時故天下之心顛顛然日有望於太平也然今後萬一事有不便於時者陛下豈不欲聞之乎萬一政有不合於道者陛下豈不欲革之乎候陛下言動之際詔令之間小有遺闕稍關損益臣必密陳所見潛獻所聞但在聖心裁斷而已

而二

革作知
候作傳

闕有之
闕有之

臣又職在中禁不同外司欲竭愚衷合先
陳露伏希天鑒深察赤誠無任感恩欲報
懇款屏營之至謹言

論制科人狀

同五月十八日進

近日內外官除改及制科人等事宜
右臣伏見內外官近日除改人心甚驚遠
近之情不無憂懼喧喧道路異口同音皆
云制舉人牛僧孺等三人以直言時事恩
獎登科被落人怨謗加誣惑亂中外謂為

茅百之

誑妄斥而逐之故並出關外官楊於陵以
考策敢收直言者故出為廣府節度韋貫
之同所坐故出為果州刺史裴垪以覆策
又不退直言者故免內職除戶部侍郎王
涯同所坐出為虢州司馬盧坦以數舉事
為人所惡因其彈奏小誤得以為名故黜
為左庶子王播同之亦停知雜臣伏以裴
垪王涯盧坦韋貫之等皆公忠正直內外
咸知所宜授以要權致之近地故比來衆

為百之

垪作均

職論之

夏百

垪作均

情私相謂曰此數人者皆人之望也若數人進則必君子之道長若數人退則必小人之道行故卜時事之否臧在數人之進退也則數人者自陛下嗣位已來並蒙獎用或任之耳目或委以腹心天下人情日望致理今忽一旦悉踈棄之或降於散班或斥於遠郡設令有過猶可優容況且無瑕豈宜黜退所以前月已來上自朝廷下至衢路衆心洶洶驚懼不安直道者疚心

則作

可作

則作

直言者杜口不審陛下得知之否凡此除改傳者紛然皆云裴垍等不能委曲順時或以正直忤物爲人之所媒孽本非聖意罪之不審陛下得聞之否臣未知此說虛實但獻所聞所聞皆虛陛下得不明辯之乎所聞皆實陛下得不深慮之乎虛之與實皆恐陛下要知臣若不言誰當言者臣今言出身戮亦所甘心何者臣之命至輕朝廷之事至大故也臣又聞君聖則臣忠

若有之

若有之

既得直言

上明則下直故堯之聖也天下已太平矣尚求誹謗以廣聰明漢文之明也海內已理矣賈誼猶比之倒懸可謂痛哭二君皆容納之所以得稱聖明也今陛下明下詔令徵求直言反以為罪此臣所以未諭也陛下視今日之理何如堯與漢文之時乎若以為及之則誹謗痛哭尚含容而納之况徵之直言索之極諫乎若以為未及則僧孺等之言固宜然也陛下縱未能推而

此在諸謂在否而有之者有之

行之又何忍罪而斥之乎此臣所以為陛下流涕而痛惜也德宗皇帝初即位年亦徵天下直言極諫之士親自臨試問以天旱穆質對云兩漢故事三公當免卜式著議弘羊可烹此皆指言當時在權位而有恩寵者德宗深嘉之自第四等拔為第三等自畿尉擢為左補闕書之國史以示子孫今僧孺等對策之中切直指陳之言亦未過於穆質而遽斥之臣恐非嗣祖宗承

數有之

耿光之道也書諸史策後嗣何觀焉陛下
得不再三省之乎臣昨在院與裴垪王涯
等覆策之時日奉宣令臣等精意考覆臣
上不敢負恩下不忍負心唯秉至公以為
取捨雖有讎怨不敢棄之雖有親故不敢
避之唯求直言以副聖意故皇甫湜雖是
王涯外甥以其言直合收涯亦不敢以私
嫌自避當時有狀具以陳奏不意群心構
成禍端聖心以此察之則或可悟矣儻陛

策作毋

者有

月有之
覆作

湜作湜
作阻

合作

心作小

下察臣肝膽知臣精誠以臣此言可以聽
採則乞俯迴聖覽特示寬恩僧孺等准往
例與官裴垪等依舊職獎用使内外人意
歡然再安若以臣此言理非允當以臣覆
策事涉乖宜則臣等見在四人亦宜各加
黜責豈可六人同事唯罪兩人雖聖造優
容且過朝夕在臣懼湯豈可苟安敢不自
陳以待罪戾臣今職為學士官是拾遺日
草詔書月請諫紙臣若默默惜身不言豈

見作

惟上辜聖恩實亦下負神道所以密緘手
疏潛吐血誠苟合天心雖死無恨無任憂
懼激切之至

謹奉狀陳露少引謹奏

論于頔裴均狀

于頔裴均欲入朝事宜

右臣聞諸道路皆云于頔裴均累有進奉
並請入朝伏聞聖息已似允許臣側聽時
議內酌事情為陛下謀恐非穩便晝夜思
慮不敢不言伏見貞元已來天下節將握

奉作差

見作以

兵守土少肯入朝自陛下刑服三兇威加
四海是得諸道節度使三二年來朝廷追
則追替則替奔走道路懼承命之不暇斯
則聖德皇威大被于四方矣夫謀宜可久
事貴得中當難制之時則貴欲令其朝覲
及可制之日則不必使之盡來何則安眾
心收眾望在調馭之得其宜也臣伏見近
日節度使或替或追稍似煩數今又許于
頔等入奏或慮便留在朝臣細思之有三

得作以

時作所
其作某

意作作

合作怡
上九子

不可何者竊見外使入奏不問賢愚皆欲
仰希聖恩傍結權貴上須進奉下須入事
莫不減削軍府割剥疲人每一入朝甚於
兩稅又聞于頔裴均等數有進奉若又許
來荆襄之人必重困於剝削矣奪軍府疲
人之不足奉君上權貴之有餘伏料聖心
知之深所不忍此不可一也臣又竊聞時
議云近日諸道節使或以進奉希旨或以
貨賄藩身謂恩澤可圖謂權位可取以入

臣有之

臣有之
又作已

則有

覲為請以戀闕為名須來即來須住即住
要重位則得重位要大權即得大權進退
周旋無求不獲天下節使盡萌此心不審
聖聰聞此議否今于頔等以入覲為請若
又許之豈非須來即來乎既來必以戀闕
為名若又許之豈非須住即住乎則重位
自然合加况必求之乎大權不得不與况
必圖之乎重位大權人誰不愛于頔既得
則茂昭求之臣聞茂昭又欲入朝已謀行

計茂昭亦宰相也亦國親也若引于頔爲
例獨不可乎若盡與之則陛下重位大權
是以人情假人也授之可乎若獨與彼不
與此則忿爭怨望之端自此而作今倖門
已開矣速杜之又今于頔等開之臣必恐
聖心有時而悔矣其不可二也臣又竊見
自古及今君臣之際權太重則下不得所
勢太逼則上不甚安今于頔任兼將相來
則搃朝廷之權家通國親入則連戚里之

勢勢親則踈者不敢諫權重則群下不敢
言臣慮于頔未來之間內外迎附之者其
勢已赫赫炎炎矣况其已來乎臣恐于頔
未到之間內外合言者已不敢言矣况其
已到乎脫或至此陛下有術以制馭之邪
若用術制之不如不制之安也若又無術
將如之何且于頔身是大臣子爲駙馬性
靈事迹陛下素諳一朝到來權兼內外若
繩以規制則必失君臣之心若縱其作爲

早自有

今作今
自有

得有

按在物

諫作同

規作臣

則必敗朝廷之度進退思慮恐貽聖憂其
不可三也凡此三不可事實不細伏乞聖
覽再三思之今臣所言皆君臣之密機安
危之大計伏望祕藏此狀不令左右得知
况臣以疏議親以賤論貴語無方便動有
悔尤言出身危非不知耳但以職居近密
身被恩榮苟有聞知即合陳露儻言而得
罪亦臣所甘心若默而負恩則臣所不忍
伏希聖鑒俯察愚誠謹具奏聞謹奏

論和糴狀

今年和糴折糴利害事宜

右臣伏見有司以今年豐熟請令畿內及
諸處和糴令收賤穀以利農人以臣所觀
有害無利何者凡曰和糴則官出錢人出
穀兩和商量然後交易也比來和糴事則
不然但令府縣散配戶人促立程限嚴加
徵催苟有稽遲則被追捉迫蹙鞭撻甚於
稅賦號為和糴其實害人儻依前而行臣

爭至人若元
利自然

故曰有害無利也。今若有司出錢開場，自
糴比於時價，稍有優饒，利之誘人，人必情
願。且本請和糴，只圖利人。人若有利，自然
願來。利害之間，可以此辯。今若除前之弊，
行此之便，是真得和糴利人之道也。二端
取捨，伏惟聖旨裁之。必不得已，則不如折
糴折糶者，折青苗稅錢，使納斛斗，免令賤
崇別納。見錢在於農人，亦甚為利。況度支
比來所支和糶價錢，多是雜色匹段，百姓

有作按
只自和
不有之

又須轉賣，然後將納稅錢。至於給付，不免
侵偷貨易，不免折損所失。過本其弊可知。
今若量折稅錢，使納斛斗，既無賤糶麥粟
之費，又無轉賣匹段之勞，利歸於人，羨歸
於上。則折糶之便，豈不昭然。由是而論，則
配戶不歸開場，和糶不如折糶，亦甚明矣。
臣久處村間，曾為和糶之戶，親被迫切，實
不堪命。臣近為畿尉，曾領和糶之司，親自
鞭撻，所不忍觀。臣頃者常欲疏此人病，聞

故作如
之作

于天聰踈遠賤微無由上達今幸擢居禁
 職列在諫官苟有他聞猶合陳獻况備諳
 此事深知此弊臣若緘默隱而不言不唯
 上辜聖恩實亦內負夙願猶慮愚誠不至
 聖鑒未廻即望試令左右可親信者一人
 潛問鄉村百姓和糴之與折糴孰利而孰
 害乎則知臣言不敢苟耳或慮陛下以勅
 命已下難於移改以臣所見事又不然夫
 聖人之舉事也唯務使人唯求利物若損

由自因

幸作孤

以下似

益相半則不必遷移若利害相懸則事須
 追改不獨於此其他亦然伏望宸衷審賜
 詳察謹具奏聞謹奏

七月三日進

論太原事狀

三件

嚴綬 輔光

右嚴綬輔光太原事迹其間不可遠近具
 知臣前日對時已子細面奏今奉宣輔光
 已替嚴綬續追此皆聖鑒至明左右不能
 惑聽合於公議斷自宸衷內外人心甚為

面作而

若作苟

愜當其嚴綬早須與替不可更遲緣與輔
光久相交結軍中補署職掌比來盡由輔
光今見別除監軍小人乍失依託或恐嚴
綬相黨曲爲安陳軍情事宜之間須過防
慮伏望聖恩速令貞亮赴本道便許嚴綬
入朝

貞亮

右貞亮元是舊人曾任重職陛下以太原
事弊使替輔光然臣伏聞貞亮先充汴州

又作右

雖得將師

監軍日自置親兵數千又任三川都監日
專殺李康兩節度使事迹深爲不可爲性
自用所在專權若貞亮處事依前即太原
却受其弊雖將追改難以成功其貞亮發
赴本道之時恐須以承前事切加約束令
其戒懼此事至要伏惟聖心不忘

范希朝

右希朝前在振武威令大行至今蕃戎望
風畏伏况又勤儉信實所在士卒歸心今

得百
進作師

録作

若太原要人無出希朝之右伏恐聖意慮其有年臣又訪聞希朝筋力猶堪驅使但且令鎮撫必愜軍情待其一二年間威制成立然後擇能者即必易守成規則雖老年事湏且用其靈武比太原雖小亦是要鎮如納臣愚見伏恐便須擇人與希朝相代謹具奏聞謹奏

奏請加德音中節目

緣今時旱請更減放江淮旱損州縣

百姓今年租稅

右伏以聖心憂軫重降德音欲令實惠及人無如減放租稅昨正月中所降德音量放去年錢米伏聞所放數內已有納者縱未納者多是逃亡假令不放亦徵不得况旱損州縣至多所放錢米至少百姓未經豐熟又納今年稅租疲羸中重此徵迫人力困苦莫甚於斯却是今年伏望聖恩更與宰臣及有司商量江淮先旱損州作分

伏有之

較日早

之有之

是作在

其百之

數更量放今年租稅當疲困之際降則隱之恩感動人情無出於此敢竭愚見以副聖心

請揀放後宮內人

右伏見大曆已來四十餘載宮中人數稍久漸多伏慮驅使之餘其數猶廣上則虛給衣食有供億糜費之煩下則離隔親族有幽閉怨曠之苦事宜省費物貴遂情頃者已蒙聖恩量有揀放聞諸道路所出不

則作側

見作自
稍作積

供作使

頃作昨

多臣伏見自太宗玄宗已來每遇災旱多有揀放書在國史天下稱之伏望聖慈再加處分則盛明之德可動天心感悅之情必致和氣光垂史冊美繼祖宗貞觀開元之風復見於今日矣非小臣愚懇不能發此言非陛下英明不能行此事如蒙允許便請於德音中次第處分謹具奏聞伏待進旨謹奏

四日望三月一日進

論于頔所進歌舞人事宜狀

旨作止

愚作出

右臣三五日來聞於時議云前件所進者
並是于頔愛妾被普寧公主闇欲選進今
于頔所進事非獲已者臣未知此說虛之
與實再三思之皆為不可何則于頔自入
朝來陛下待之深得其所存其大體故厚
加寵位知其性惡故不與威權中外人情
以為至當在於于頔亦自甘心今因普寧
奪其愛妾眾人既有流議于頔得以為詞
臣恐此事不益聖德在臣愚見豈敢不言

既作事

伏見陛下數月已來分別邪正所有制斷
所有處置無不合於公論無不愜於人情
唯此一事實乖時體關於損益臣實惜之
今道路云云皆有此說是于頔自進亦恐
外人不知去就之間恐須却賜于頔內足
以辯明聖意外足以止息浮詞又令于頔
有所感戴臣所聞所見如此伏恐陛下要
知輒敢密陳庶禪萬一謹具奏聞謹奏

論魏徵舊宅狀

論作議

今作答
繼有之

詞作言

日進

李師道奏請出私財收贖魏徵舊宅
事宜

右今日守謙宣令撰與師道詔所請收贖
魏徵宅還與其子孫甚合朕心允依來奏
者臣伏以魏徵是太宗朝宰相盡忠輔佐
以致太平在於子孫合加憂卹今緣子孫
窮賤舊宅典賣與人師道請出私財收贖
却還其後嗣事關激勸合出朝廷師道何
人輒掠此美依宣便許臣恐非宜况魏徵

宅內舊堂本是宮中小殿太宗特賜以表
殊恩既又與諸家不同尤不宜使師道與
贖計其典賣其價非多伏望明勅有司特
以官錢收贖便還後嗣以勸忠臣則事出
皇恩美歸聖德臣苟有所見不敢不陳其
與師道詔未敢依宣便撰伏待聖旨謹具
奏聞謹奏

四月七日進

論王鏐欲除官事宜狀

右臣竊有所聞云王鏐見欲除平章事未

知何故有此商量臣伏以宰相者人臣極位天下具瞻非有清望大功不合輕授王鶚既非清望又無大功若加此官深為不可昨日裴均除平章事內外之議早已紛然今王鶚若除則如王鶚之輩皆生異望之心矣若盡與則典章大壞又未感恩若不與則厚薄有殊或生怨望倖門一啓無可奈何臣又聞王鶚在鎮日不郵凋殘唯務差稅淮南百姓日夜無繆五年誅求百

加作以

輩作此者有之

倖作幸

繆作斯

計侵削錢物既足部領入朝號為羨餘親自進奉凡有耳者無不知之今若授同平章事臣恐四方聞之皆謂陛下得王鶚進奉而與宰相也臣又恐諸道節度使今日已後皆割剝生人營求宰相私相謂曰誰不如王鶚邪故臣以為深不可也其王鶚歸鎮與在朝伏望並不除宰相臣尚未知所聞信否貴欲先事而言或恐萬一已行即言之無及伏惟聖鑒俯察愚衷謹具奏

聞謹奏

四月九日進

論裴均進奉銀器狀

右臣伏聞向外傳說云裴均前月二十六日於銀臺進奉前件銀器雖未審知虛實然而物議喧然既有所聞不敢不奏伏以陛下昨因時旱念及疲人特降德音停罷進奉天意如感雨澤應期巷舞途歌咸呼萬歲伏自德音降後天下顛望遵行未經旬月之間裴均便先進奉若誠有此事深

自乍見

臣有

左有

損聖德臣或慮有人云裴均所進銀器發在德音之前遂勸聖恩不妨受納以臣所見事固不然臣聞衆議皆云裴均性本貪殘動多邪巧每假進奉廣有誅求料其深心不願停罷必恐即日修表倍程進來欲試朝廷嘗其可否何者前月三日降德音准諸道進奏院報事例不過四五日即裴均合知至二十六日進物方到以此詳察足見姦情今若便容果落邪計況一處如

常有

此則遠近皆知臣恐諸道依前從此不守法度則是陛下明降制旨又自棄之何以制馭四方何以取信天下臣反覆思慮深爲陛下惜之伏准德音節文除四節及旨條外有違越進奉者其物送納左藏庫仍委御史臺具名聞奏若此事果實則御史臺必准制彈奏諫官必諫宰相必論天下知之何裨聖政以臣所見伏望明宣云裴均所進銀器雖在德音之前恐四方不知

宜送左藏庫收納如此則海內悅服天下歡心事出宸衷羨歸聖德又免至御史諫官奏論之然後有處置在於事體深以爲宜伏願聖心速賜裁斷謹具奏聞謹奏

四月三日進

心作喜

